



**Ethica Amoris, Sive Theologia Sanctorum, Magni  
Præsertim Augustini, Et Thomæ Aquinatis**

Circa Universam Amoris & Morum Doctrinam, Adversus Novitias Opiniones  
Strenuè propugnata, Et In Materiis Principaliter Hodie Controversis  
Fundamentaliter discussa

De Externis Regulis Amoris Et Morum, Legibus Utique, ac Praeceptis  
Virtutum Theologicarum, & Cardinalium, necnon Decalogi & Ecclesiae -  
Libros Vndecim Complectens

**Henricus, de Sancto Ignatio  
Leodii, 1709**

Caput XXXII. Voti natura & conditiones explicantur.

---

[urn:nbn:de:hbz:466:1-73203](#)

cedant: quia, ut bene Catechismus Romanus p. 3. tit. de cultu & invoc. Sanct. ait: si in aliquo Christi Mediatoris gloria & dignitate Sanctorum intercessione minueretur; non minus vivorum, quam in celis regnantium intercessione minueretur; nungam proinde id commisseret Paulus, ut fratrum viventium presibus à Deo adjuvari postulasset in epistolis suis. Hactenus de oratione, devotione, adoratione; nunc de voto agendum. Sit itaque

## C A P U T XXXII.

Voti natura & conditiones explicanur.

**250** Votum (inquit S. Thomas q. 88. a. 1. & 2.) est promissio deliberae Deo facta de aliquo meliori bono. Sub ly deliberae subaudit S. Doctor spontaneè: reverè enim votum esse debet spontaneum. Ad votum proinde simplex non sufficit resolutio, quālibet firma, sed necessaria est promissio, seu vera intentio se obligandi ad aliquid faciendum. Promissio namque est fidei obligatio. Unde cùm aliquis ex quadam monitione nimio mortis pavore perterritus, haec verba protulisset: Non diu hic morabor, proponens in animo quād religionis habitum esset aliquando suscepturus. Alexander III. cap. litterarum de voto ipsi S. Sedem super eo consulenti respondit: Qod si plus non est in voto processum, transgressor judicari non poteris, si non impleas quod dixisti.

**251** Nec ad votum sufficit promissio qualitercumque, sed esse debet *deliberata facta*, prout S. Thomas docet a. 1. probatque ex eo quod votum sit *actus voluntatis deliberate*, inde concludens, quod ad votum tria ex necessitate requiriuntur. Primo quidem delib: ato; secundò, propositum voluntatis; tertio, promissio, in qua persicatur ratio voti. Debet etiam, ut dixi, spontaneè esse facta: quia votum ex gravi metu iustè incusso factum non subsilit, nec à Deo acceptatur, licet de eo Doctores controvertant, si sermo sit de votis aliis à solemnī professione.

**252** Nec sufficit promissio cuiuscumque facta, sed esse debet *facta Deo*: quia votum est actus religionis: cuius actus omnes pertinent ad divinum cultum, seu famulatum. Unde S. Thomas a. 5. ad 3. votum (inquit) soli Deo fieri sed promissio etiam potest fieri homini. Et ipsa promissio boni, quae fit homini, potest cadere sub voto, in quantum est quoddam opus virtuosum. Et per hunc modum intelligendum est votum, quo quis votet aliquid Sanctis, vel Prælatis, ut ipsa promissio facta Sanctis, vel Prælatis, cadat sub voto in quantum homo votet Deo, se impletarum quod Sanctis vel Prælatis promittit.

**253** Nec ad votum sufficit promissio Deo facta de quocumque bono, sed esse debet promissio de meliori bono, quam sit illud ad quod temur de necessitate salutis, ait S. Antoninus p. 2. tit. II. c. 1. §. 8. post S. Thomam a. 2. tametsi enim bonum, sine quo non potest es-

Tom. II.

se talus, cadat sub voto; non tamen cadit in quantum est necessitatis, sed in quantum est libera voluntatis, ait S. Thomas ibidem. Vel catenùs votum esse debet de meliori bono, quatenus bonum quod promittitur, spectatis omnibus, hic & nunc melius est, quam ejus oppositum, vel quatenus non est incompatible cum meliori bono.

Porro melius illud bonum esse debet possibile promittenti. Quia ad impossibile nemo potest obligari. Unde nullum est votum de non committendo absolutè ullo modo veniali: quia hoc possibile non est secundum communem gratiarum cutum; tametsi valeat votum de non committendo ullo, veniali ex ple- na advertentia: quia hoc impossibile non est.

Nullum quoque est votum de re, spectatis omnibus tam respectivè, quam absolutè indifferenti: quia non est de meliori bono. Inde tale votum non excusat à peccato, saltem veniali, nisi bona fides vel simplicitas excusat: quia *vana est promissio* (ait S. Doctor) si aliquis alscii promittat id quod ei non est acceptum. Votum autem de re, quæ scitur esse peccatum, licet veniale tantum, videretur mortale peccatum: quia est irisio quedam Dei, ut notant Cajetanus, Armilla, Lessius, Beccanu, & alii contra Sartum, Sylvestrum & Navarrum.

Quia tamen aliquid, absolutè indifferens, est potest respectivè bonum, & melius hinc & nunc tuo opposito, v. g. matrimonium, quatenus impeditivum fornicacionum, in eo qui vix aliter ab iis abstinere potest, catenùs videretur esse postea materia voti. Quod tamen, si bene perpendatur, potius esse videtur de cefando ab incontinentia peccato, quam de matrimonio. Unde talis, non obstante voto, religionem ingredi potest, vel continentiam amplecti: quia ista absolute meliora sunt. Ex hypothesi tamen quod manere velit in sèculo, & peccata non vitet, obligatur ad matrimonium quod vovit. Quia in ista hypothesi melius est.

Ultima conditio ad validum votum requiri-  
fita est: ut votens habilis sit ad votandum, tñique juris, quoad id quod promittit. Quia defectus aetatis, ad habilitatem istam requiri-  
ta, invalida est professio ejus qui nondum at-  
tingit decimum-sextum aetatis annum. Et, ut  
S. Thomas docet a. 8. nullus potest per promis-  
sionem se firmiter obligare ad id quod est in po-  
testare alterius, sine consensu ipsius, sed solus  
ad id quod est omnino in sua potestate. Quicun-  
que autem est subjectus alicui (v. g. ixor mar-  
rito, maritus uxori) quantum ad id in quo est  
subjectus, non est sua potestatis facere quod vult,  
sed dependet ex voluntate alterius. Et ideo non  
potest se per votum firmiter obligare suis his,  
quibus alteris subjiciuntur, absque consensu sui Su-  
perioris.

Hinc ibidem ad 2. S. Doctor ait, quod ex 253  
quo homo venit ad annos pubertatis, si sit libe-  
ra conditionis, est sua potestatis, quantum ad ea

f 2

que pertinent ad suam personam; puta quod obligat se religione per votum; vel quod matrimonium contrahat. Non autem est sua potestatis quantum ad dispensationem domesticam. Unde circa hoc non potest aliquid vovere, quod sit ratum, sine consensu patris. Et in 4. dist. 38. q. 1. a. 1. q. 3. ad 4. in his in quibus uxori viro tenetur, & è converso, neuter potest vovere sine mutuo consensu, sicut patet de voto continentia. Sed quia in dispensatione dominus, & regimine vita, mulier est subiecta viro, & non è converso; ideo vir potest in talibus vovere, sine consensu uxoris, sed non è converso. Si tamen uxori de expresso consensu viri, castitatem voverit, non potest votum revocare, ait S. Doctor in 4. dist. 22. in expositione textus. Nec contrarium docet Augustinus in qq. de libro Numerorum c. 59. licet primâ facie dicere videatur quod possit revocare uxorem ad se: quia loquitur quantum ad iudicium Ecclesia, seu fori externi, quando permisso, seu consensus viri in votum uxoris, non potest probari.

## CAPUT XXXIII.

Multiplex divisio voti.

**259** **V**otum dividitur 1°. in absolutum & conditionatum. Absolutum est illud quod absque conditione fit; conditionatum, quod cum conditione. Et istud non obligat; nisi purificata conditione. Absolutum vero statim est implendum, juxta illud Deuteronom. 23. *Cum votum voveris Domino Deo tuo, non tardabis reddere: quia requiret illud Dominus Deus tuus, & si moratus fueris, repudiasur tibi in peccatum.* 2°. in perpetuum & ad tempus. 3°. in expressum, quod verbis distinctis exprimitur; & tacitum, quod fieri censemur, eo ipso quo voluntarie agitur, vel suscipitur aliquid, cui votum est annexum. Hujusmodi est votum castitatis, quod eo ipso emittere censemur, qui voluntarie suscipit Ordinem sacram, cui ex Ecclesia institutione votum castitatis est annexum. 4°. in personale, reale & mixtum. Reale est, cuius materia est extra voventem, ut bona temporalia. Personale, cuius materia est ipsa persona, vel actio aut omissione voventis, ut cum quis vovet castitatem, jejunium, &c. Mixtum, cuius materia est persona, vel opus voventis, simul & bonum aliquod temporale ipsius, ut dum quis vovet peregrinationem cum oblatione. Personale non obligat nisi personam voventis, non alterius. Unde quod dicitur can. addiditio 20. q. 1. *Monachum aut paterna devoto, aut propria professio facit, intelligitur, dum filius à parentibus in tenera aetate regulari traditus disciplina, post adultam aetatem voluntatem suam voluntati accommodat parentum, non altere, prout ibi notat Glossa, & aperte declarat Caelestinus III. cap. cum scias extrav. de Regul. ubi pricipit, quod si puer in tenera aetate monachali ueste induitus, annos discretionis adep-*

tus, nolit ratum habere quod factum est, sit libertati restituatur. Reale non solum obligat voventem, sed & haereses ipsius, hoc sensu quod ipsi teneantur exequi votum reale defuncti (sicut cetera debita realia ipsius) juxta cap. ex parte 18. de censibus: quia bona defuncti ad ipsos transiunt cum isto onere. Ipsorum quidem obligatio non tam religionis est, quam justitiae, ex quasi contractu, quo adeuntes haereditatem se obligare consentur ad onera ipsius, secundum vires haereditatis. Peccabunt tamen, etiam quodammodo contrareligionem, si non solvant rem ex iustitia Deo debitam, utpote per voluntatem voventis Deo quodammodo consecratam. Denique votum mixtum, qua parte reale est, naturam realis sequitur; qua parte personale, naturam personalis; adeoque qua reale, haereses obligat; non qua personale. Si ergo defunctus voverit peregrinationem ad Virginem Lauretanam, cum anathemate argenteo, haereses tenentur ad anathema, non ad peregrinationem.

Caterum antequam haereses satisfaciant votis realibus, satisfacere debent ea quæ defunctus creditoribus debebat ex iustitia: quia Deus non acceptat sibi oblati, cum praedium juris, alteri jam acquisiti. Debent tamen prius solvere vota (utpote fortius obligantia) quam simplicia legata pia.

5°. famosa est divisio voti in simplex, & solemnem. Solemne est illud quod emittitur, vel per professionem Religionis approbatum; vel per susceptionem Ordinis facit, v. g. Subdiaconatus. Omne autem votum quod neutrò isto modo solemnē est, est simplex (ait S. Antoninus p. 2. tit. 2. §. 1.) five illud fiat publicè, five privativum, five ore, five tantum corde. Unde cap. quod votum de voto si haberet: *Präsentis declarandum duximus oraculo sanctioris, illud solum votum debere dici solemnem, quantum ad post contractum matrimonium dirimendum, quod solemnizatum fuerit per susceptionem sacri Ordinis, aut per professionem, expressam vel tacitam, factam alicui de Religionibus per Sedem Apostolicam approbatis. Reliqua vero vota (eisq; quamvis manifestius sunt emissa, tanto durior penitentia transgressoribus debetur) non tamen resindere possunt matrimonia post contracta.*

## CAPUT XXXIV.

*Melius & laudabilius est facere aliquid ex voto, quam sine voto.*

**I**Ta S. Thomas a. 6. Et probatur 1°. quia 262 Psal. 75. Spiritus S. consulendo hortatur ad voendum: *Vovete, & reddite. Sed consilia divina non sunt nisi de meliori bono.* 2°. qui sine voto facit aliquid, quod solum est consilii, tantum implet unum consilium, scilicet de faciendo. Qui autem vovet, & facit, implet duo consilia, de voyendo scilicet & faciendo.